

曾文
正公
三十家詩鈔

埽葉山房發行

線
831
7355-2
v. 5

舊籍



三十家詩鈔卷五目錄

何仲言五古一百十七首

銅雀妓

門有車馬客

九日侍宴樂遊苑

望廡前水竹答崔錄事

酬范記室雲

日夕望江山贈魚司馬

道中贈桓司馬季珪

寄江州褚諮議

下直出谿邊望答虞丹徒敬

贈族人秣陵兄弟

仰贈從兄興甯真南

送韋司馬別

擬輕薄篇

昭君怨

登石頭城

暮秋答朱記室

落日前墟望贈范廣州雲

答邱長史

夕望江橋示蕭諮議楊建康江主簿

入西塞示南府同僚

贈諸遊舊

秋夕仰贈從兄真南

贈江長史別

南還道中送贈劉諮議別

黃允哲 捐贈



與崔錄事別兼敘攜手

別沈助教

與沈助教同宿湓口夜別

與蘇九德別

贈韋記室黯別

初發新林

渡連圻二首

下方山

入東經諸暨縣下浙江作

還渡五湖

春夕早泊和劉諮議落日望水

和劉諮議守風

宿南洲浦

學古贈邱永嘉征還

和蕭諮議岑離閨怨

嘲劉諮議

詠照鏡

擬青青河畔草轉韻體爲人作其人識節

工歌

學古三首

聊作百一體

早朝車中聽望

臨行公車

秋夕歎白髮

夜夢故人

從主移西州寓直齋內霖雨不晴懷郡中

遊聚

劉博士江丞朱從事同顧不值作詩云爾

春暮喜晴酬袁戶曹苦雨

苦熱

七夕

揚州法曹梅花盛開

行經孫氏陵

塘邊見古冢

哭吳興柳惲

登禪岡寺望和虞記室

答高博士

贈王左丞

敬酬王明府

西州直示同員

野夕答孫郎擢

石頭答庾郎丹

日夕出富陽浦口和朗公

臨行與故遊夜別

與胡興安夜別

車中見新林分別甚盛

曉發

慈姥磯

見征人分別

同虞記室登樓望遠歸

與虞記室諸人詠扇

看伏郎新婚

詠娼婦

詠舞

望新月示同羈

詠春雪寄族人治書思澄

和司馬博士詠雪

詠白鷗兼嘲別者

行經范僕射故宅

王尚書瞻祖日

送褚都曹聯句

送司馬入五城

邊城思

為人妾思二首

為人妾怨

閨怨二首

南怨

苑中見美人

詠春風

離夜聽琴

相送

答江革聯句不成

又答江革

擬古三首聯句

往晉陵聯句

范廣州宅聯句

相送聯句三首

至大雷聯句

賦詠聯句

臨別聯句

增新曲相對聯句

照水聯句

折花聯句

搖扇聯句

831
2355-2
V
正釵聯句

吳叔庠五古一百三十四首

戰城南三首

雉子班

入關

梅花落

城上烏

從軍行

胡無人行

雉朝飛操

渡易水

結客少年場

妾安所居

送歸曲

夾樹

城上麻

擬古四首

采蓮曲

三婦豔詩

大垂手

小垂手

有所思

雍臺

楚妃曲

白浮鳩

陽春歌

國家圖書館



003676681

別鶴

淶水曲

綠竹

王侍中夜集

登鍾山燕集望西靜壇

與柳惲相贈答六首

答柳惲

贈柳真陽

贈任黃門二首

酬蕭新浦王洗馬二首

答蕭新浦

酬周參軍

贈杜容城

贈朱從事

贈姚郎

贈王桂陽別三首

酬別江主簿屯騎

酬別

贈別新林

發湘州贈親故別三首

同柳吳興烏亭集送柳舍人

同柳吳興何山集送劉餘杭

送柳吳興竹亭集

初至壽春作

登壽陽八公山

壽陽還與親故別

邊城將四首

秋念

春怨

采藥大布山

贈周散騎興嗣二首

贈周興嗣四首

入蘭臺贈王治書僧孺

江上酬鮑幾

贈柳祕書

詣周丞不值因贈此詩

遙贈周丞

周丞未還重贈

贈王桂陽

酬郭臨丞

憶費昶

酬聞人侍郎別三首

贈鮑春陵別

別王謙

奉使廬陵

迎柳吳興道中

至湘州望南嶽

登二妃廟

詠懷二首

古意七首

閨怨二首

去妾贈前夫

詠少年

詠雪

雪

春詠

共賦韻詠庭中桐

詠柳

主人池前鶴

寶劍

詠燈

別夏侯故章

以服散鎗贈殷鈞

梅花

征客

雜句四首

山中雜詩三首

詠雲二首

詠慈姥磯石上松

送呂外兵

傷友

庾子慎五古八十八首

長安有狹斜行

賦得有所思

有所思

洛陽道

長安道

愛妾換馬

隴西行

未央才人歌

侍宴應令

侍宴宣猷堂應令

侍宣猷堂宴湘東王應令

侍宴餞湘州刺史張續

侍宴餞張孝總應令

三日侍蘭亭曲水宴

九日侍宴樂游苑應令

從皇太子出玄圃應令

奉和泛舟漢水往萬山應教

山池應令

奉使北徐州參丞御

和衛尉新渝侯巡城口號

遊甌山

蔬圃堂

尋周處士宏讓

賦得嵇叔夜

和太子重雲殿受戒

詠同泰寺浮圖

賽漢高廟

亂後經夏禹廟

亂後行經吳郵亭

經陳思王墓

過建章故臺

和劉明府觀湘東王書

和竹齋

從駕喜雨

奉和春夜應令

奉和武帝苦旱

奉和太子納涼梧下應令

芝草

詠美人

送別於建興苑相逢

侍宴

侍宴餞湘東王應令

餞張孝總應令

侍宴餞東陽太守范子雲

和晉安王簿晚逐涼北樓回望應教

贈周處士

新林送劉之遴

奉使江州舟中七夕

南苑看人還

詠美人看畫應令

奉和藥名詩

看放市

和望月

和徐主簿望月

詠風

詠花雪

七夕

歲盡應令

賦得山

同蕭左丞詠摘梅花

和晉安王詠燕

詠胡牀應教

暮遊山水應令賦得磧字

奉和湘東王應令二首

詠檐燕

奉和便省餘秋

被使從渡江

登城北望

道館

賦得轉歌扇

詠舞

詠舞曲應令

詠主人少姬應教

詠長信宮中草

石崇金谷妓

遠看放火

舟中寒望

石橋

詠桂

賦得池萍

新茗

被執作詩一首

曲水聯句

八關齋夜賦四城門更作四首

三十家詩鈔卷五

東湖王定安增輯

何仲言五古一百十七首

凡樂府詩集錄者以△識之

△銅雀妓

鄴都故事魏武帝遺命諸子曰吾死之後葬於鄴之西岡無藏金珠餘香可分諸夫人妾與伎人皆著銅雀臺臺上施六尺牀下總帳朝脯上

酒脯糗糧之屬每月朝十五年築其臺最高上有屋一百二十間鑄大銅雀置於樓巔舒翼奮尾勢若飛動因名為銅雀臺樂府解題曰後人悲其意而為之詠也水部此詩與江文通作俱切指魏武遺命言之

秋風木葉落蕭瑟管絃清望陵歌對酒向帳舞空城寂寂檐簾一作宇曠飄飄帷幔輕

曲終相顧起日暮松柏聲

△擬輕薄篇

樂府解題曰輕薄篇言乘肥馬衣輕裘馳逐經過為樂與少年行同意如何遜之城東美少年張正見之洛陽美年少是也

城東美少年重身輕萬億柘彈隋珠丸白馬黃金飾一作勒長安九達上青槐蔭道

植轂擊晨已喧肩排暝不息走狗通西望牽牛向南直相期百戲傍去來三市側

象牀沓繡被玉盤傳綺食倡女一作姊掩扇歌小婦一作妹開簾織相看獨隱笑見人

還斂色黃鵠悲故羣山枝詠新識烏飛過客盡雀聚行龍匿酌羽方厭厭此時懽

未極

△門有車馬客

郭集作何妥非○樂府解題曰門有車馬客行皆言問訊其客或得故舊鄉里或駕自京師備敘市朝遷謝親友彫喪之意也仲言

此詩則但言久
客思歸而已

門有車馬客。言是故鄉來。故鄉有書信。縱橫印檢開。開書看未極。行客屢相識。借問故鄉人。潺湲淚不息。上言離別久。下道望應歸。寸心將夜鵠。相逐向南飛。

昭君怨

郭集作何安非

昔聞白鶴弄。已自軫離情。今來昭君曲。還悲秋草生。

樂府作并

九日侍宴樂游苑

爲西封侯作

皇德無餘讓。重規襲帝勛。垂衣化比屋。睠顧慎爲君。翮飛悅有道。卉木荷平分。宸襟動時豫。歲序屬涼氛。城霞日晃朗。槐霧曉氤氳。鸞輿和八襲。鳳駕啟千羣。羽觴懽湛露。佾舞奏承雲。禁林終宴晚。華池物色曛。疏樹翻高葉。寒流聚細紋。晴軒連瑞氣。同一作飛惹御香芬。日斜迢遞宇。風起嵯峨雲。運偶參侯服。恩洽厠朝聞。於焉藉多幸。歲暮仰遊汾。

登石頭城

關城乃形勢。城險差非一。馬嶺逐紆回。犬牙傍隆窳。百雉極襟帶。億庾兼量出。至理歸無爲。善守竟何恤。眺聽窮耳目。遠近備幽悉。擾擾見行人。暉暉視落日。連檣入迴

浦飛蓋交長術。天暮遠山青。潮去遙沙出。薄宦慙師表。屬辭慙愈疾。願乘鰲鯨牛。還隱蒙籠室。

望廨前水竹答崔錄事

拾遺作顧則心詩非

蕭蕭叢竹映澹澹。平湖淨葉倒漣漪。文水漾檀欒影。相思不會面。相望空延頸。遠天去浮雲。長墟斜落景。幽痾與歲積。賞心隨事屏。鄉念一邇迴。白髮生俄頃。

暮秋答朱記室

游揚日色淺。騷屑風音勁。寒潭見底清。風色極天淨。寸陰坐銷鑠。千里長遼迴。桃李爾繁華。松柏余本性。故心不存此。高文徒可詠。

酬范記室雲

林密戶稍陰。草滋堦欲暗。風光蕊上輕。日色花中亂。相思不獨懽。伫立空爲歎。清談莫共理。繁文徒可玩。高唱子自輕。繼音予可憚。

落日前墟望贈范廣州雲

緣溝綠草蔓。扶援雜華舒。輕煙澹柳色。重霞映日餘。遙遙長路遠。一作寂寂行人疏。我心懷碩德。思欲命輕車。高門盛遊侶。誰肯進畋漁。

日夕望江山贈魚司馬

湓城帶湓水。湓水縈如帶。日夕望高城。耿耿青雲外。城中多宴賞。絲竹常繁會。管聲已流悅。弦聲復淒切。歌黛慘如愁。舞腰擬欲絕。仲秋黃葉下。長風正騷屑。早鴈出雲歸。故燕辭檐別。晝悲在異縣。夜夢還洛汭。洛汭何悠悠。起望西南樓。一作登西樓的的帆向浦。團團月映一作隱洲。誰能一羽化。輕舉逐飛浮。

答邱長史

宿昔敦遠遊。名分乃異路。千里泝波潮。一朝披雲霧。從容捨密勿。繾綣論襟趣。披文極詆訶。析理窮章句。明鐘信有待。巨海誰能喻。奔景驟西傾。還途忽東驚。黃花發岸草。赤葉翻高樹。漁舟乍回歸。沙禽時獨赴。宴年時未幾。離歌倏成賦。伊我念幽關。夫君思贊務。短翮方息飛。長轡日先驅。曝鱉走逸翮。康時務握手。異沈浮。佳期安可屢。

道中贈桓司馬季珪

晨纜雖同解。晚洲阻共入。猶如征鳥飛。差池不可及。本願申羈旅。何言異翔集。君渡北江時。詎今南浦泣。

夕望江橋示蕭諮議楊建康江主簿

夕鳥已西渡。殘霞亦半消。風聲動密竹。水影漾長橋。旅人多憂思。寒江復寂寥。爾情深鞏洛。予念返漁樵。何因適歸願。分路一揚鑣。

寄江州褚諮議

別鶴。別鶴。別鶴。四序紛迴薄。分手清江上。念別猶如昨。追憶邊城遊。奚尋平生樂。俱登寵從嶺。共坐逶迤閣。清吹或忘歸。繁文時閒作。連鑣戲淺草。遊幃遵長薄。五載同衣裘。一朝異睽索。夫君頗畱滯。驂駢未沃若。伊家從入關。終是填溝壑。早秋正悽愴。餘暉晚銷鑠。林葉下仍飛。水花披未落。如何隔千里。無由舉三爵。因君奏采蓮。爲余吟別鶴。

入西塞示南府同僚

露清曉風冷。天曙江晃一作光。爽薄雲巖際。出初月波中。上黯黯連嶂。陰騷騷急沫響。迴棹急礙浪。羣飛爭戲廣。伊余本羈客。重睽復心賞。望鄉雖一路。懷歸成二想。在昔愛名山。自知懽獨往。情游乃落魄。得性隨怡養。年事以蹉跎。生平任浩蕩。方還讓夷路。誰知羨魚網。

下直出谿邊望答虞丹徒敬

夫君美章句。席丈珍梁楚。伊余忝設官。含毫亦禁阻。直廬去咫尺。心期得宴語。休沐乃幽棲。別離未幾許。伫立日將暮。相思忽無緒。谿北映初星。橋南望行炬。九重不可越。三爵何由舉。

贈諸遊舊

弱操不能植。薄伎竟無依。淺智終已矣。令名安可希。擾擾從役倦。屑屑身事微。少壯輕年月。遲暮惜光輝。一塗今未是。萬緒昨如非。新知雖已樂。舊愛盡睽違。望鄉空引領。極日淚沾衣。旅客長憔悴。春物自芳菲。岸花臨水發。江燕遶檣飛。無由下征帆。獨與暮潮歸。

贈族人秣陵兄弟

何思澄爲秣陵令

吾宗昔多士。文雅高縉紳。小子無學術。丁甯困負薪。傍枝實紛亂。領袖寄親姻。名價齊兩許。閨門比三陳。風力咸通邁。藝業竝紛紜。元方振高羽。洛令初解巾。自爾典名郡。所在號清淳。齊兒敢爲俗。蜀物豈隨身。祿俸不妻子。謳吟乃吏民。孰云穢明德。惟在中聖人。若能遺酌我。稱首當屬仁。仲將本特達。坎壈猶賤貧。方成天下士。豈伊席

上珍外情或簡易。內鑒甚人倫。時然臨下邑。摘伏信如神。顧余晚脫畧。懷抱日湮淪。游宦疲年事。來往厭江濱。十載猶先職。一官乃任真。土牛竟不進。芻狗空重陳。羈旅無儔匹。形影自相親。蕭索高秋暮。砧杵鳴四隣。霏霏入窗雨。漠漠暗牀塵。所思不可見。邈若胡與秦。願子加餐飯。良會在何辰。

秋夕仰贈從兄賓南

堦蕙漸翻葉。池蓮稍罷花。高樹北風響。空庭秋月華。寸心懷是夜。寂寂漏方賒。撫弦乏歡娛。臨觴獨歎嗟。悽愴戶涼入。徘徊櫺影斜。無爲淹戚里。見就還田家。

仰贈從兄興甯賓南

家世傳儒雅。貞白仰餘徽。宗派已孤狹。財產又貧微。棲息同蝸舍。出入共荆扉。松筆昭臨沼。蒲簡得垂帷。幸逢四海泰。日月耀增輝。相顧無羽翮。何由總奮飛。一朝異言宴。萬里就睽違。遠江飄素沫。高山鬱翠微。相思對淼淼。相望隔巍巍。死灰終不然。長岑且未歸。當憐此分袂。脈脈淚沾衣。

贈江長史別

二紀歷茲辰。投分啟遊處。况事兼年德。宴交無爾汝。中歲多乖違。由來難具敘。及君

相藩牧伊余客梁楚。出國乃參差。會歸同處所。以茲篤惠好。何用忘羈旅。重得申平生。何年更睽阻。籠禽恨跼促。逸翮超容與。餞道出郊坰。把袂臨洲渚。長飈落江樹。秋月照沙渚。遠送子應歸。棹開帆欲舉。離舟懽未極。別至悲無語。安得生羽毛。從君入宛許。

送韋司馬別

送別臨曲渚。征人幕前侶。離言雖欲繁。離思終無緒。憫憫分手畢。蕭蕭行帆舉。舉帆越中流。望別上高樓。予起南枝怨。子結北風愁。邈邈山蔽日。洶洶浪隱舟。隱舟邈已遠。徘徊落日晚。歸衢竝駕奔。別館空筵卷。想子斂眉去。知予銜淚返。銜淚心依依。薄暮行人稀。曖曖入塘港。蓬門已掩扉。簾中看月影。竹裏見螢飛。螢飛不息。獨愁空轉側。北窗倒長簟。南鄰夜聞織。棄置勿復陳。重陳長歎息。

南還道中送贈劉諮議別

一官從府役。五稔去京華。遽逐春流返。歸帆得望家。天末靜波浪。日際斂煙霞。岸蘚生寒葉。村梅落早花。遊魚上急水。獨鳥赴行楂。日想平陵柏。心憶青門瓜。曲陌背通垣。長墟抵狹斜。善鄰談穀稼。故老述桑麻。寢興從閒逸。視聽絕諠譁。夫君日高興。爲

樂坐驕奢室。墮傾城佩。門交接轆車。入塞長雲雨。出國暫泥沙。握手分歧路。臨川何怨嗟。

與崔錄事別兼敘攜手

去夏予回首。言乃重行行。今春遊派滙。訪子猶武城。暫別年逾半。同歸月未盈。復道中寒食。彌畱曠不平。道術既爲務。懽悰苦未并。及爾沈痾愈。值茲秋序明。石磧沿江靜。沙流繞岸清。川平看鳥遠。水淺見魚驚。逝將窮履歷。方欲恣逢迎。何言聚易散。鄉棹爾孤征。我本倦遊客。心念似懸旌。聞離常屑涕。是別盡淒清。一作情况此忘懷地。相愛猶弟兄。脈脈畱南浦。悠悠返上京。欲鑷星星鬢。因君示友生。

別沈助教

可憐玉匣劍。復此飛鳧鳥。未覺愛生憎。忽見雙成隻。一朝別笑語。萬事成疇昔。道適若波瀾。人生異金石。願君深自愛。共念悲無益。

與沈助教同宿湓口夜別

我爲潯陽客。戒旦乃西游。君隨春水駛。雞鳴亦動舟。共泛湓之浦。旅泊次城樓。華燭已消半。更人數唱籌。行人從此別。去去不淹畱。

與蘇九德別

宿昔夢顏色。咫尺思言偃。擬作何況杳來期。各在天一面。踟躇暫舉酒。倏忽不相見。春草似青袍。秋月如團扇。三五出重雲。當知我憶君。萋萋若被逕。懷抱不相聞。

贈韋記室黯別

故人儻送別。停車一水東。去帆若不見。試望白雲中。促膝今何在。銜杯誰復同。水夜看初月。江晚泝歸風。無因生羽翰。千里暫排空。

初發新林

伊昔負薪暇。慕義遊梁楚。短翮忘連翩。追飛散容與。優游沐道教。漸漬淹寒暑。大德本無酬。輕生竊自許。舟歸屬海運。風積如鵬舉。浮水暗舟艫。合岸喧徒侶。凜凜窮秋暮。初寒入洲渚。鏡吹響清江。懸旗出長嶼。危檣迴不盡。杳浪高難拒。回首泣親賓。中天望宛許。帝城猶隱約。家園無處所。去矣方悠悠。含意將何語。

渡連圻二首

此山多靈異。峻岨實非恆。湫流自洄紆。激瀨視奔騰。懸崖抱奇崛。絕壁駕峻嶒。砢礧上爭險。岵嶸下相崩。百年積死樹。千尺掛寒藤。詭怪終不測。迴沈意難登。願欲書聞

見聊以寄親朋。

連圻連不極。極望在雲霞。絕壁無走獸。窮岸有盤楂。糾紛上巖窾。穿隙下巖岈。魚遊若擁劍。猿掛似懸瓜。陰岸生駁蘚。伏水拂澄沙。客子行行倦。年光處處華。石蒲生促節。巖樹落高花。暮潮還入浦。夕鳥飛向家。寓目皆鄉思。何時見狹斜。

下方山

寒鳥樹間響。落星川際浮。繁霜白曉岸。苦霧黑晨流。鱗鱗逆去水。瀾瀾急還舟。望鄉行復立。瞻途近更脩。誰能百里地。縈繞千端愁。

入東經諸暨縣下浙江作

疲身不自量。溫腹無恆擬。未能守封植。何能固廉恥。一經可人言。三冬徒戲爾。虛信蒼蒼色。未究冥冥理。得彼既宜然。失之良有以。常言厭四壁。自覺輕千里。日夕聊望遠。山川空信美。歸飛天際沒。雲霧江邊一作傍起。安邑乏主人。臨邛多客子。鄉鄉自風俗。處處皆城市。所見無故人。含意終何已。

還渡五湖

我行朔已晦。泝水復沿流。戎傷初不辨。動默自相求。睠言還九派。迴艫出五洲。蕭散

煙霧晚淒清。江漢秋沙汀。暮寂寂。蘆岸晚脩脩。以此南浦夜。重此北門愁。方圓旣齟齬。貧賤豈怨尤。

春夕早泊和劉諮議落日望水

旅人嗟倦遊。結纜坐春洲。日暮江風靜。中川聞棹謳。草光天際合。霞影水中浮。單艫時向浦。獨檝乍乘流。變童泣垂釣。妖姬哭盪舟。客心自有緒。對此空復愁。

和劉諮議守風

彌旬苦凌亂。揆景候阡陌。晝想汝陽津。夜夢邯鄲驛。憤風急驚岸。屯雲仍逐石。蕭條疾帆流。碓礪衝波白。息榜已云久。維梢晨已積。蒼蒼極浦潮。杳杳長洲夕。本慙欻飛劍。甯慕澹臺壁。織羅若不。跂予中上澤。

宿南洲浦

幽棲多暇豫。從役知辛苦。解纜及朝風。落帆依暝浦。違鄉已信次。江月初三五。沈沈夜看流。淵淵朝聽鼓。霜州渡旅鴈。朔颺吹宿莽。夜淚坐淫淫。是夕偏懷土。

學古贈邱永嘉征還

龍馬魚腸劍。躡蹠起風塵。結客蔥河返。喧喧動四鄰。入墟猶憶舊。覓巷復疑新。窺見

應門出遙識下機人相悲淚欲下離別方自陳。

和蕭詒議岑離閨怨

曉河沒高棟斜月半空庭窗中度落葉簾外隔飛螢含悲玉臺作情下翠帳掩泣玉臺作涕閉
金屏昔期今未返春草寒復青思君無轉易何異北辰星。

嘲劉詒議

房櫳滅夜火窗戶映朝光妖女褰帷去躑躅初下牀雀釵橫曉鬢蛾眉豔宿妝稍聞
玉釧遠猶憐翠被香甯知早朝客差池已鴈行。

詠照鏡

朱簾旦初捲綺機晨未織玉匣開鑑影寶臺靜臨飾對影獨含笑看花時轉側聊爲
出繡眉試染天桃色寶釵若可間金鈿畏相逼蕩子行未歸唬妝坐沾臆。

擬青青河畔草轉韻體爲人作其人識節工歌

春蘭一作園日應好折花望遠道秋夜苦復長抱枕向空牀吹臺一作樓下促節不言於
此別歌筵掩團扇何時一相見絃絕猶依軫葉落纔下枝卽此雖云別方我未成離。

學古樂府以第一首作長安少年行

長安美少年。羽騎暮連翩。玉羈瑪瑙勒。金絡珊瑚鞭。陣雲橫塞起。赤日下城圓。追兵待都護。烽火望祁連。虎落夜方寢。魚麗曉復前。平生不可定。空信蒼浪天。

其二

鞏洛上東門。薄暮川流側。渾渾車馬道。行人不相識。日夕棲鳥遠。浮雲起新色。寸心空延伫。對面何由卽。飛輪倘易去。易去因風力。

其三

昔隨張博望。辭帝長楊宮。獨好西山勇。思爲北地雄。十年事河外。雪一作雲鬢別關中。季月邊秋重。巖野散寒蓬。日隱龍城霧。塵起玉關風。全狐君已復。半菽我猶空。欲因上林鴈。一見平陵桐。

聊作百一體

靈輒困桑下。於陵拾李螬。歷齒方嗟賤。灸背豈知豪。傭畊乏旅力。倚勢憚劬勞。曠日無豆飭。方冬缺緼袍。清旦開蓬蓽。舉目想煎熬。樞機慎僕隸。媒孽畏朋曹。萬途皆自僻。一事豈他褒。恩恩昨不定。負杖出蓬蒿。逢施同溝壑。值設乃糠糟。生途稍冉冉。逝水日滔滔。咸言等木石。誰當出羽毛。

早朝車中聽望

詰旦鐘聲罷，隱隱禁門通。蓬車響北闕，鄭履入南宮。宿霧開馳道，初日照相風。胥徒紛絡驛，騶御或西東。暫喧耳目外，還保性靈中。方驗遊朝市，此說不爲空。

臨行公車

擾擾排曙扉，鱗鱗驅早駕。禁門儼猶閉，嚴城方警夜。道勝多增榮，拙薄終難化。以茲畎澮質，重與滄溟舍。纜舟去濁河，揆景辭清灞。平生多意緒，懷抱皆徂謝。念此將如何，撫心獨悲咤。

秋夕歎白髮

絲白不難染，蓬生直易扶。惟見一作此星星鬢，獨與眾中殊。昔年十四五，率性頗廉隅。直是安被褐，非敢慕懷珠。何言志事晚，疲拙嬰殊軀。逢時乃倏忽，失路亦斯須。郊郭勤二頃，形體憩一廡。涸蚌困魚目，籠禽觸四隅。宵長壁立靜，廓處謝懽愉。月色臨窗樹，蟲聲當戶樞。飛蛾拂夜火，墜葉舞秋株。逐物均乘鶴，違俗等雙鳧。故人倘未棄，求我谷之嵎。

夜夢故人

客心驚夜魂。言與故人同。開簾覺水動。映竹見牀空。浦口望斜月。洲外聞長風。九秋時未晚。千里路難窮。已如臃腫木。復似飄飄蓬。相思不可寄。直在寸心中。

從主移西州寓直齋內霖雨不晴懷郡中遊聚

寓直慚虎賁。沈迷豈職事。祈祈寒枝動。濛濛秋雨駛。不見眼中人。空想山南寺。雙桐傍欄上。長楊夾門植。夙昔構良遊。接膝同懽志。東西忽爲阻。向隅懷獨思。颯颯履聲喧。擾擾羣分異。臥聞復雷響。坐視重局祕。欲寄一行書。何解三秋意。

劉博士江丞朱從事同顧不值作詩云爾

故人篤久要。新知從暮室。崎嶇枉道過。邂逅幽人出。心期不會面。懷之成首疾。向夕敞山扉。臨窗玩餘帙。蜘蛛正網戶。落花紛入膝。浸淫水上風。蔽虧霞中日。良辰一攜手。住坐無儔匹。劉侯務屬書。江生勤下筆。朱君博辭理。去去追名實。是顧一參差。何能更蓬華。吾人少拘礙。得性便遊逸。方欲俟褰裳。相從懽道術。

春暮喜晴酬袁戶曹苦雨

振衣喜初霽。褰裳對晚晴。落花猶未捲。時鳥故餘聲。春芳空悅目。游客反傷情。鄉園不可見。江水獨自清。願得同攜手。歸望對都城。

△苦熱樂府作苦熱行

昔聞草木焦。今窺一作沙石爛。噎噎風逾靜。瞳瞳日漸旺。習靜一作悶。衣衾讀書煩。

几案臥思清。露浥坐待明星燦。蝙蝠戶中飛。蟻蠓窗閒亂。實無河朔飲。空有臨淄汗。

遺金不自拾。惡木甯無幹。願以三伏晨。催促九秋換。

七夕

仙車駐七襄。鳳駕出天潢。月映九微火。風吹百和香。來懽暫巧笑。還淚已沾裳。一作啼妝

依稀如洛汭。倏忽似高唐。別離未得語。河漢漸湯湯。

揚州法曹梅花盛開一作詠早梅

兔園飄物序。驚時最是梅。銜霜當路發。映雪擬寒開。枝橫卻月觀。花繞凌風臺。朝灑

長門泣。夕駐臨邛杯。應知早飄落。故逐上春來。

行經孫氏陵

昔在零陵厭。神氣若無依。逐兔爭先捷。倚鹿兢因機。呼噏開伯道。叱咤掩江畿。豹變

分奇畧。虎視肅戎威。長蛇劔巴漢。驥馬絕淮淝。交戰無內禦。重門豈外扉。成功舉已

棄。凶德愎而違。水龍忽東驚。青蓋乃西歸。謁來已一作易永久。年代曖微微。苔石疑文

字荆墳失是非。山鶯空曙響。隴月自秋暉。銀海終無浪。金鳧會不飛。闕寂今如此。望沾人衣。

塘邊見古冢

行路一孤墳。路成墳欲毀。空疑年代積。不知陵谷徙。幾逢一作經秋葉黃。驟見春流瀾。金蠶不可織。玉樹何時蕊。陌上驅馳人。笑歌自侈靡。今日非明日。所念誰憐此。

哭吳興柳惲

南州擅荆梓。上國稱羽儀。伊人以戴德。李公傷在期。遠識內無愠。深衷外有規。一作窺

清文窮麗則。宏論盡高奇。多能誠所貴。小善聊復爲。百步均射葉。八體妙臨池。曲悟同神解。龜謀信有知。入朝耿長劔。出牧盛層麾。納言信加首。豐貂亦在移。霞區兩借寇。貪泉一舉卮。翰飛矯未極。朝露溘先危。以茲舊館想。况乃西日垂。蔓草生車轍。枯木臥崩坻。樽酒誰爲滿。靈衣空自披。眷言尋惠好。慟哭悲路歧。含毫徒有屬。搦管竟無摛。

登禪岡寺望和虞記室

南望南郭門。拱樹梢雲密。北窗北溱一作溱道。重樓霧中出。接樹隱高蟬。交枝承落日。

光陰不可捨。懷抱何由悉。

答高博士

北窗涼夏首。幽居多卉木。飛蝶一作蝶弄晚花。清池映疏竹。爲宴得快性。安閑聊鼓腹。將子厭囂塵。就予開耳目。

贈王左丞

名儒

欄外鶯啼罷。園裏日光斜。游魚亂水葉。輕燕逐風花。長墟上塞靄。曉樹沒歸霞。九華暮已隱。抱鬱徒交加。

敬酬王明府

僧孺

星稀初可見。月出未成光。澄江照遠火。夕霞隱連檣。賤軀臨不測。玉體畏垂堂。念別已零淚。况乃思故鄉。

西州直示同員

日長禁戶倦。卽事思短晨。漏盡唱聲急。此理復傷人。矛盾交爲論。光璧帶成珍。誓將收飲啄。得得任心神。

野夕答孫郎擢

山中氣色滿。墟上生煙露。杳杳星出雲。啾啾雀隱樹。虛館無賓客。幽居乏懽趣。思君意不窮。長如流水注。

石頭答庾郎丹

高樹蔭樓密。細草綠成被。黃鸝隱葉飛。蛺蝶縈空戲。陰岑自爾悅。寂寥予罕寄。相如阻禁闈。何由從簡易。

日夕出富陽浦口和朗公

客心愁日暮。徙倚空望歸。山煙涵樹色。江水映霞暉。獨鶴凌空一作風逝。雙鳧出浪飛。

故鄉千餘里。茲夕寒無衣。

臨行與故遊夜別

文苑英華作從鎮江州與故遊別

歷稔共追隨。一旦辭羣匹。復如東注水。未有西歸日。夜雨滴空堦。曉燈暗離室。相悲

各罷酒。何時同一作更

促膝。

與胡興安夜別

居人行轉軾。客子暫維舟。念此一筵笑。分爲兩地愁。露溼寒塘草。月映清淮流。方抱新離恨。獨守故園秋。

車中見新林分別甚盛

金谷賓遊盛。青門冠蓋多。隔林望行幘。下阪聽鳴珂。於時春未歇。麥氣始清和。還入平原逕。窮巷可張羅。

曉發

早霞麗初日。清風消薄霧。水底見行雲。天邊看遠樹。且望沿沂劇。暫有江山趣。疾兔聊復起。爽地豈能賦。

慈姥磯

集作慈姥磯聯句

暮煙起遙岸。斜日照安流。一同心賞夕。暫解去鄉憂。野岸平沙合。連山遠霧浮。客悲不自已。江上望歸舟。

見征人分別

淒淒日暮時。親賓俱並立。征人拔劍起。見女牽衣泣。候騎出蕭關。追兵赴馬邑。且當橫行去。誰論裹屍入。

同虞記室登樓望遠歸

登樓欲望遠。遙遙見白衣。白衣猶遠遠。言是稍知非。對窗看寶瑟。入戶弄鳴機。無令

日光晚門閣掩重扉。

與虞記室諸人詠扇

如珪信非玷。學月但爲輪。機杼靡蕪妾。裁縫篋笥人。搖風入素手。占曲掩朱脣。羅袖幸拂拭。微芳聊可因。

看伏郎新婚

露夕蓮出水。霞朝日照梁。何如花燭夜。輕扇掩紅妝。良人復灼灼。席上自生光。所悲高駕動。環珮出長廊。

詠娼婦

曖曖高樓暮。華燭帳前明。羅帷雀釵影。寶瑟鳳雛聲。庭花枝上發。新月霧中生。誰念當窗牖。相望獨盈盈。

詠舞

一作詠妓

管清羅薦合。絃驚雪袖遲。逐唱迴纖手。聽曲轉蛾眉。凝情眄墮珥。微睇託含辭。日暮畱嘉客。相看愛此時。

望新月示同羈

初宿長淮上。破鏡出雲明。今夕千餘里。雙蛾映水生。的的與沙靜。灩灩逐波輕。望鄉皆下淚。非我獨傷情。

詠春雪寄族人治書思澄

可憐江上雪。迴風起復滅。本欲映梅花。翻悲似玉屑。朝鶯日弄響。暮條可行結。咸言不適時。安知非矯節。

和司馬博士詠雪

凝堦夜似月。拂樹曉疑春。蕭散忽如盡。徘徊已復新。曹蔽卷紈質。復慙施粉人。若逐微風起。誰言非玉塵。

詠白鷗兼嘲別者

可憐雙白鷗。朝夕水上游。玉臺作浮何言異棲息。雌住雄不畱。孤飛出澗浦。獨宿下滄洲。東西從此別。影響絕無由。

行經范僕射故宅

旅葵應蔓井。荒藤已上扉。寂寂空郊暮。無復車馬歸。澹灩故池水。蒼茫落日暉。遺愛終何極。一作闐寂今如此行路獨沾衣。

王尚書瞻祖日

昱昱丹旄振。亭亭素蓋立。金鐸謹已鳴。龍輻將復入。華臺日未徙。荒墳路行溼。已矣將何如。賓馭皆灑泣。

送褚都曹聯句

君隨結客去。我乃倦遊歸。本願同棲息。今成相背飛。

送司馬入五城

隨風飄岸葉。行雨暗江流。居人會應返。空欲送行舟。

邊城思

柳黃未吐葉。水綠半含苔。春色邊城動。客思故鄉來。

爲人妾思二首

魂銷形已去。釵落猶依枕。欲去淚無聲。不看悲復甚。

機中刺繡所。窗下朝妝處。未憶神已傷。欲忘悲不去。

爲人妾怨

燕戲還檐際。花飛落枕前。寸心君不見。拭淚坐調絃。

閨怨二首

玉臺作
秋閨怨

竹葉響南窗。月光照東壁。誰知夜獨覺。枕前雙淚滴。
閨閣行人斷。房櫳月影斜。誰能北窗下。獨對後園花。

南苑

一作苑中

苑門闢千扇。苑戶開萬扉。樓殿聞珠履。竹樹隔羅衣。

苑中見美人

羅袖風中捲。玉釵林下耀。團扇承落花。復持掩餘笑。

詠春風

可聞不可見。能重復能輕。鏡前飄落粉。琴上響餘聲。

離夜聽琴

別離既有緒。琴瑟反成悲。美人多怨態。亦復慘長眉。

相送

客心已百念。孤遊重千里。江暗雨欲來。浪白風初起。

答江革聯句不成

日余乏文幹。逢君善草札。工拙既不同。神氣何由拔。

又答江革

棘端雖非譬。至妙安可量。要知同罔象。然始見毫芒。

擬古三首聯句

家本青山下。好上青山上。青山不可上一上。一上。一惆悵。遜匣中一明鏡。好鑑明鏡光明鏡。不可鑑。一鑑。一情傷。范少知雅琴曲。好聽雅琴聲。雅琴不可聽。一聽。一沾纓。劉孝綽

往晉陵聯句

臨別我傷悲。送歸子自適。劉金不可散。卜蓋何由惜。遜從來重分陰。未曾輕尺璧。故任情一異。於是望三益。高爾自高樓寢。予返東皋陌。寄語落毛人。非復平原客。遜問舍且求田。音亂無可擇。勝門成好事。盤紆欲何索。爽

范廣州宅聯句

洛陽城東西。卻作經年別。昔去雪如花。今來花似雪。雲濛濛夕煙起。奄奄殘暉滅。非君愛滿堂。甯我安車轍。遜

相送聯句

寸陰常可惜。別至倍傷神。子瞻天際水。予望路中塵。韋憫憫歧路側。去去平生親。一朝事千里。流涕向三春。遜

其二

昔共入門笑。今成送別悲。君還舊聚處。爲我一嘖眉。王江乘於今還促膝。自此客江湄。願子俱停駕。看我獨解維。遜

其三

高軒雖駐軫。餘日久無輝。以我辭鄉淚。沾君送別衣。遜

至大雷聯句

高談會良夕。滿酒對羈情。閃閃風煙動。蕭蕭江雨聲。遜密雲窮浦暗。飛電遠洲明。若非今宴適。詎使客愁輕。劉孺遙舟似連鴈。遠火若迴星。江潭望如此。銜卮共君傾。桓季珪

賦詠聯句

敝履常決踵。眉高起半額。曼倩爾何爲。獨歎長安索。遜工商旣慚巧。農士聊相易。蠶腹有餘資。鴻眉方可拍。江革攝職媿握蘭。濫官悲執戟。連章旣不敏。高談豈能劇。孺逸翮任奮飛。窘步事羈勒。還鳥余能繫。流言爾無惑。革憂懷乃千載。永懽常數刻。直是

悲別離。非關念通塞。遜日照汀沙素山影波浪黑。爾限大江南。余歸茂陵北。孺

臨別聯句

臨別情多緒。送歸涕如霰。君望長安城。予悲獨不見。遜爾來同去國。予歸方異縣。懷

別心獨憂。下淚方濺濺。孺

增新曲相對聯句

酒闌日隱樹。上客請調絃。嬌人挾瑟至。逶迤未肯前。劉孝勝舊愛今何在。新聲徒自憐。

有曲無人聽。徒倚高樓前。澄徘徊映日照。轉側被風吹。徒為相思響。傷春君不知。劉綺

月昏樓上坐。含悲望別離。已切空牀怨。復看花柳枝。遜

照水聯句

插花行理鬢。遷延去復歸。雖憐水上影。復恐溼羅衣。遜臨橋看黛色。映渚媚鉛暉。不

顧春荷動。彌畏小禽飛。綺

折花聯句

笑出春園裏。望花聯袂纈。欲以間珠鈿。非為相思折。遜日照爛成綺。風來聚疑雪。試

采一技歸。願持因遠別。綺

搖扇聯句

紈扇已新製。蕩婦復新妝。欲掩羞中笑。還飄袖裏香。遜在握時搖動。當歌掩抑揚。誰云滅羅袂。影日聊自障。綺

正釵聯句

竹臺歸欲礙。花林出未通。度簪先分影。轉珥忽瞻風。遜雙橋耀寶鈿。闐闐密復叢。羞令挂一作纓闕。整插補餘空。綺

吳叔庠五古一百三十四首

樂府詩集錄者以△識之

△戰城南

蹀躞青驪馬。往戰城南畿。五歷魚麗陣。三入九重圍。名懼武安將。血汗秦王衣。為君意氣重。無功終不歸。

其二

此與下篇藝文失題列戰城南南後英華遂以為題當再考

前有濁樽酒。一作憂思亂紛紛。小來一作重意氣。學劍不學文。忽值胡關靜。匈奴遂兩分。天山已半出。龍城無片雲。漢世平如此。何用李將軍。

其三

詩彙作胡無人行

陌上何諠諠。匈奴圍塞垣。黑雲藏趙樹。黃塵埋隴垠。天子羽書勞。將軍在玉門。闕

△雉子班

樂府解題曰古詞云雉子高飛止黃鵠飛之以千里雄來飛從雌視若

言避世之士抗志清霄視卿相功名猶冰炭之不

可憐雉子班。羣飛集野甸。文章始陸離。意氣已驚狷。幽并遊俠子。直心亦如箭。死節

報君恩。誰能孤恩晒。

△入關

羽檄起邊庭。烽火亂如螢。是時張博望。夜赴交河城。馬頭要落日。劍尾掣流星。君恩未得報。何論身命傾。

△梅花落

郭云梅花落本笛中曲也按唐大角曲亦有大單于小單于大梅花小梅花等曲今其聲猶有存者

終天十二月。寒風西北吹。獨有梅花落。飄蕩不依枝。流連逐霜彩。散漫下冰澌。何當與春日。共映芙蓉池。

△城上烏

古詞烏生八九子大旨言壽命各有定分死生何論前後也城上烏蓋出於此

嗚嗚城上烏。翩翩尾畢逋。凡生八九子。夜夜啼相呼。質微知慮少。體賤毛衣麤。陛下三萬歲。臣至執金吾。

△從軍行

男兒亦可憐。立功在北邊。陣頭橫卻月。馬腹帶連錢。懷戈發隴坻。乘凍至遼川。微誠君不愛。終自直如弦。

△胡無人行

古今樂錄曰王僧虔技錄有胡無人行今不歌

劍頭利如芒。恆持照眼光。鐵騎追驍虜。金羈討黠羌。高秋八九月。胡地早風霜。男兒不惜死。破膽與君嘗。

△雉朝飛操

二月雉朝飛。橫行傍壠歸。斜看水外翟。側聽嶺南暈。躩蹠恆欲戰。耿耿恃疆威。當令君見賞。何辭碎錦衣。

△渡易水

雜虜客來齊。時余在角觝。揚鞭渡易水。直至龍城西。日昏笳亂動。天曙馬爭嘶。不能通瀚海。無面見三齊。

結客少年場

結客少年歸。翩翩駿馬肥。報恩殺人竟。賢君賜錦衣。握蘭登建禮。拖玉入含暉。顧看

草玄者功名終自微。

△妾安所居

賤妾先有寵。蛾眉進不遲。一從西北麗。無復城南期。何因用一作暫豔逸豈爲乏妍姿。徒有黃昏望。甯遇青樓時。惟惜應門掩。方餘永巷悲。匡牀終不共。何由橫自私。

△送歸曲

送子獨南歸。攬衣空惻默。關山晝欲暗。河冰夜向塞。燕至他人鄉。鴈去還誰國。寄子兩行書。分明達濟北。

△夾樹

桂樹夾長陂。復值清風吹。氛氲揉芳葉。連綿交密枝。能迎春露點。不逐秋風移。願君長惠愛。當使歲寒知。

△城上麻

麻生滿城頭。麻葉落城溝。麻莖左右披。溝水東西流。少年感恩命。奉劔事西周。但令直心盡。何用返封侯。

擬古四首

△陌上桑

崔豹古今註曰陌上桑者出秦氏女子秦氏邯鄲人有女名羅敷為邑人王仁妻王仁後為趙王家令羅敷出採桑於陌上趙王登臺見而悅之因置酒欲奪焉羅敷乃作陌上桑之歌以自明趙王乃止

娟娟陌上桑。蔭陌復垂塘。長條映白日。細葉隱鸝黃。蠶飢妾復思。試淚且提筐。故人甯知此。離恨煎人腸。

△秦王卷衣

樂府解題曰秦王卷衣言咸陽春景及宮闕之美秦王卷衣以贈所歡也唐李白亦有秦女卷衣

咸陽春草芳。秦帝卷衣裳。玉檢茱萸匣。金泥蘇合香。初芳薰複帳。餘輝耀玉牀。當須晏朝罷。持此贈華陽。一作龍陽

△采蓮曲

錦帶雜花鈿。羅衣垂綠川。問子今何處。出采江南蓮。遼西三千里。欲寄無因緣。願君早旋返。及此荷花鮮。

△攜手曲

豔裔陽之春。攜手清洛濱。雞鳴上林苑。薄暮小平津。長裾藻白日。廣袖帶芳塵。故交一如此。新知詎憶人。

△采蓮曲

江風當夏一作清桂檝一作逐流初疑京兆劍復似漢冠名荷香帶風遠蓮影向根生葉捲珠難溜花舒紅易傾日暮鳧舟滿歸來度錦城。

△三婦豔詩

大婦絃初切中婦管方吹小婦多姿態含笑逼清卮佳人勿餘及殷勤妾自知。

△大垂手

樂府解題曰大垂手小垂手皆言舞而垂其手也隋江總婦病行曰夫婿府中趨誰能大垂手是也又獨搖手亦與此同

垂手復迢迢飛燕掌中嬌羅衫恣風引輕帶任情搖詎似長沙地促舞不回腰。

△小垂手

舞女出西秦躡影舞陽春且復小垂手廣袖拂紅塵折腰應兩笛頓足轉雙巾蛾眉

與曼臉見此空愁人

△有所思

薄暮有所思終持淚煎骨春風驚我心秋露傷君髮。

△雍臺

雍臺十二樓樓樓鬱相望隴西飛狐口白日盡無光

△楚妃曲

劉向列女傳曰楚姬楚莊王夫人也莊王好狩獵畢弋樊姬諫不止乃不食禽獸之肉樂府解題曰陸機吳趨行云楚妃且勿歎明非近題也

按謝希逸琴論
有楚妃歎七拍

春妝約春黛。如月復如蛾。玉釵照繡領。金薄廁紅羅。

△白浮鳩古今樂錄曰白浮鳩倚歌
亦曰白附鳩本拂舞曲也

瑯琊白浮鳩。紫翳飄陌頭。食飲東筦野。棲宿越王樓。

△陽春歌

紫苔初泛水。連綿浮且沒。若欲歌陽春。先歌青樓月。

△別鶴

別鶴尋故侶。聯翩遼海間。單棲孟津水。驚唳隴頭山。

△淶水曲

香暖金堤滿。湛淡春塘溢。已送行臺花。復倒高樓日。

△綠竹

嬋娟鄣綺殿。繞弱拂春漪。何當逢採拾。為君笙與篴。

王侍中夜集

抽蘭開石路。翦竹製山扉。文淪見綠水。參差隱翠微。西山採藥至。東都謝病歸。紡毛

織野服。縫芟作山衣。欲知三青鳥。檐上素雲飛。

登鍾山燕集望西靜壇

客思何以緩。春郊滿初律。高車陸離至。駿騎差池出。寶椀汎蓮花。珍杯食竹實。才勝商山四。文高林竹七。復望子喬壇。金繩蘊綠帙。風雲生屋宇。芝映被仙室。方隨鳳凰去。悠然駕白日。

與柳惲相贈答六首

黃鸝飛上苑。綠芷出汀洲。日映昆明水。春生鳩鵲樓。飄颺白花舞。瀾漫紫萍流。書織迴文錦。無因寄隴頭。思君甚瓊樹。不見方離憂。

鳴鞭適大阿。聯翩渡漳河。燕姬及趙女。挾瑟夜經過。織腰曳廣袖。半額畫長蛾。客本倦遊者。箕帚在江沱。故人不可棄。新知空復何。

離居苦無樂。回慕心悽悽。要途訪趙使。聞君仕執珪。杜蘅色已發。菖蒲葉未齊。羸屨蠶餌繭。差池燕吐泥。願逐東風去。飄蕩至遼西。

白日隱城樓。勁風掃寒木。離枋隔東西。執手異涼燠。相思咽不言。洞房清且肅。歲去甚流煙。年來如轉軸。別鶴千里飛。孤雌夜未宿。

閒房肅已靜。落月有餘暉。寒蟲隱壁思。秋蛾繞燭飛。絕雲斷更合。離禽去復歸。佳人今何在。迢遞江之沂。一爲別鶴弄。千里淚沾衣。秋雲靜晚天。寒夜方綿綿。聞君吹急管。相思雜采蓮。別離未幾日。高月三成弦。蹀躞疊黃河浪。嘶唱隴頭絃。寄君薜蘿葉。插著叢臺邊。

答柳惲

清晨發隴西。日暮飛狐谷。秋月照層嶺。寒風掃高木。霧露夜侵衣。關山曉催軸。君去欲何之。參差間原陸。一見終無緣。懷悲空滿目。

贈柳真陽

王孫清且貴。築室芙蓉池。羅生君子樹。雜種女貞枝。南窗帖雲母。北戶映琉璃。銜書輓轡鳳。坐水玉盤螭。朝衣茱萸錦。夜覆葡萄卮。聯翩驂赤兔。窈窕駕青鸞。龍泉甚鳴利。如何獨不知。

贈任黃門二首

相如體英彥。左右生容輝。已紆漢帝組。復解梁王衣。經過雲母扇。出入千金一作門。扉連洲茂芳。杜長山鬱翠。微欲言終未敢。徒然獨依依。徒然一作默默

紛吾少馳騁。自來乏名德。白玉鏤衢鞍。黃金瑪瑙勒。射鵬靈邱下。驅馬鴈門北。殷勤盡日華。畱連窮景黑。歲暮竟無成。憂來坐默默。

酬蕭新浦王洗馬二首

蕭子雲封新浦侯
王筠爲太子洗馬

始可結交者。文酒滿金壺。圍碁帝臺局。繫馬秦王蒲。長劔皆玉具。短笛悉銀塗。送歸日愁滿。畱客袂紛吾。今成桓山上。秋風星散烏。
思君出江湄。慷慨臨長薄。獨對東風酒。誰舉指南酌。崇蘭白帶飛。青鷄紫纓絡。一年流淚同。萬里相思各。胡爲舍旃去。故人在宛洛。

答蕭新浦

僕本二陵徒。英豪多久要。角觝良家兒。期門惡年少。身

一作腰

紆丈二組。手擎尺一詔。

問子行何去。高帆艤江干。今夜杯酒別。明朝江水邊。莓莓看細雨。漠漠視濃煙。颯灑八銅翦。低昂五會船。欲知故人者。江南共采蓮。悒然心不樂。跨馬出城壕。觀濤看白鷺。望草見青袍。青袍行中把。蔽草覆平野。公子不垂堂。紛紛故交者。肘懸辟邪印。屋曜鴛鴦瓦。翩翩流水車。蕭蕭曳練馬。是時君別我。青莎沒馬蹏。連連文蠶繭。鷺鷥伺朝鷄。今日余懷友。積恨

一作雪

滿東西。

酬周參軍

日暮憂人起。倚戶悵無權。水傳洞庭遠。風送鴈門寒。江南霜雪重。相如衣服單。沈雲隱喬樹。細雨滅層巒。且當對樽酒。朱絃永夜彈。

贈杜容城

帝王集作簡文帝詠燕今從玉臺作吳均

一燕海上來。一燕高堂息。一朝相逢遇。依然舊相識。問余來何遲。山川幾紆直。答言海路長。風駛飛無力。昔別縫羅衣。春風初入帷。今來夏欲晚。桑扈一作薄樹飛。

贈朱從事

我行欲何之。千里尋膠漆。長葭歷渚生。疏蒲緣岸出。裊裊能隨風。離離堪度日。客思已飄蕩。相思復非一。未得幸殷勤。先作數行泣。

贈姚郎

星漢正參差。佳人不在斯。宿昔暫乖阻。何異遠分離。露染薜蘿葉。日照芄蘭枝。風光已飄薄。雲采復逶迤。勞夢無人覺。默默心自知。

贈王桂陽別三首

昔聞楊伯起。拖玉振清風。高華積海外。名實滿山東。自有五都相。非無四世公。臨窗

驚白日。倚匣曳輕虹。願持鷩鷩羽。歲暮依梧桐。

客子慘無歡。送別江之干。白雲方渺渺。黃鳥尚關關。糾紛巫山石。合沓洞庭瀾。行衣

侵曉露。征舫犯夜湍。無因停合浦。見此去一作珠還。

樹響浹山來。猿一作聲繞岫急。旅帆風飄揚。行巾露沾溼。深浪闇蒹葭。濃雲沒城邑。

不見別離人。獨有相思泣。

酬別江主簿屯騎

有客告將離。贈言重蘭蕙。泛舟當泛濟。結交當結桂。濟水有清源。桂樹多芳根。毛公與朱亥。俱在信陵門。趙瑟鳳凰柱。吳醪金罍樽。我有北山志。流連爲報恩。夫君皆逸翮。搏景復凌鸞。白雲閒海樹。秋日暗平原。寒蟲鳴趯趯。落葉飛翻翻。何用贈分首。自有北堂萱。

酬別一作王筠詩題云酬張淮南別

故人杯酒別。天清明月亮。露下寒葭中。風起秋江上。衣染潺湲淚。棹犯參差浪。七首直千金。七寶雕華裝。側亮反生離何用表。賴此持相餉。

贈別新林一作江潭怨

僕本幽并兒。抱劍事邊陲。風亂青絲絡。霧染黃金羈。天子既無賞。公卿竟不知。去去歸去來。還傾鸚鵡杯。氣爲故交絕。心爲新知開。但令寸心是。何須銅雀臺。

發湘州贈親故別三首

相送出江濤。淚下沾衣襟。何用敘離別。臨歧贈好音。敬通才如此。君山學復深。明哲遂無賞。文華空見沈。古來非一日。無事更勞心。

雲生曉靄靄。花落夜霏霏。問余何意別。答言倦遊歸。徒勞易水布。空負洛陽衣。懷金無人別。抱玉遂成非。安得久畱滯。商山饒白薇。

君畱朱門裏。我至廣江濱。城高望猶見。風多聽不聞。流蘋方繞繞。落葉向一作尚紛紛。無由得共賞。山川閒白雲。

同柳吳興烏亭集送柳舍人

河陽一悵望。南浦送將歸。雲山離曖曖。花霧共依依。流連百舌哢。上下陽禽飛。桂舟無淹柁。玉軫有離徽。願君嗣蘭杜。時采東皋薇。

同柳吳興何山集送劉餘杭何山湖州山名

王孫重離別。置酒峯之巖。透迤川上草。參差澗裏薇。輕雲紉遠岫。細雨沐單衣。檐端

水禽息窗上野螢飛君隨綠波遠我逐清風歸。

送柳吳興竹亭集

平原不可望波瀾千里直夕魚汀下戲暮雨檐中息白雲時去來青峯復負側躑躅牛羊下晦昧崦嵫色王孫猶未歸且聽西光匿。

初至壽春作

桓譚不賣交馮子任紆直浮溺逐波影飄揚恣風力北州少知舊南陽寡相識中駕每傾輪當騫復摧翼望美無津梁私自憐何極。

登壽陽八公山

遠澗自傾曲石漱復粲粲含珠岸恆翠懷玉浪多圓疏峯時吐月密樹不開天瑤繩盡玄祕金檢上奇篇是有琴高者凌波去水仙。

壽陽還與親故別

故人來送別帳酒臨行阡露繁秋色慢氣悽蟪聲煎鴈渡章華國葉亂洞庭天復有向隅淚中腸皆涕漣但願千丈松結景雲之峯山高日華早枝多風彩重我還愛芳杜君住揖驪龍。

邊城將四首

塞外何紛紛。胡騎欲成羣。爾時始應募。來投霍冠軍。刀含四尺影。劍抱七星文。袖間血灑地。車中旌拂雲。輕軀如未殞。終當厚報君。

僕本邊城將。馳射靈關下。箭銜鴈門石。氣振武安瓦。勳輕賞廢邱。名高拜橫野。畱書應鑿楹。傳功須勒社。徒傾七尺命。酬恩終自寡。

聞君報一餐。遠送出平野。玉標丹霞劍。金絡豔光馬。高旗入漢飛。長鞭歷地寫。曙星海中出。曉月山頭下。歲晏坐論功。自有思臣者。

臨淄重蹴踘。曲成好擊刺。不要身後名。專騁眼前智。君看班定遠。立功不負義。擊拽二丈旗。躑躅雙鳧騎。但問相知否。死生無險易。

秋念

團團珠暉轉。炤炤漢陰移。箕風入桂露。璧月滿一作瑤池。樹青草未落。蟬涼葉已危。還深長夜想。顧憶臨邛后。芳杜果蕪沒。纓帶欲何爲。

春怨

四時如湍水。飛奔競迴復。夜鳥響嚶嚶。朝花照煜煜。厭見花成子。多看筍成一作竹。

萬里斷音書。十載異棲宿。積愁落芳鬢。長啼壞美目。君去往榆關。妾畱住函谷。唯對昔邪房。如愧蜘蛛屋。獨喚響相酬。還持影自逐。象牀易瓊簞。羅衣變單複。幾度過風霜。猶能保莞獨。

采藥大布山

我本北山北。緣澗采山麻。九莖日反一作照三葉長。生花可用蠲憂疾。聊持駐景斜。景斜不可駐。年來果如驅。安得崑崙山。偃蹇三珠樹。三珠始結莢。絳葉凌朱臺。玉壺白鳳肺。金鼎青龍胎。韓眾及王子。何世無仙才。安期儻欲顧。相見在蓬萊。

贈周散騎興嗣二首

子雲好飲酒。家在成都縣。製賦已百篇。彈琴復千轉。敬通不富豪。相如本貧賤。共作失職人。包山一相見。

昔一作吾賢當路者。聲名振華夏。朱輪玳瑁車。紫鞵連錢馬。朝花舞風中。一作去夜月窺窗下。想君貴易朋。居然應見舍。

贈周興嗣四首

見文苑英華註

孺子賤而貧。且非席上珍。唯安萊蕪飶。兼慕林宗巾。百年逢繾綣。千里遇殷勤。願持

江南蕙以贈生芻人

思君欲何言。中心亂如霧。淚下非一端。愁來誰有數。子爲馮敬通。不減汲長孺。千里無關梁。安得王喬履。

與君初相知。不言異一宿。意欲褰衣裳。陰雲亂人目。之子伏高臥。伊予空杼軸。無因渡淇水。見此猗猗竹。

可怨思公子。終自不敢言。青松蔽南隴。白雲生北園。沈憂無人語。默念空憑軒。安得湛盧劍。以報相知恩。

入蘭臺贈王治書僧孺

故人揚子雲。校書麟閣下。寂寞少交遊。紛綸富文雅。予爲隴西使。寓居洛陽社。相思非不深。行行避驄馬。

江上酬鮑幾

振棹出江湄。依依望九疑。欲謁蒼梧帝。過問沅湘姬。折荷縫作蓋。落羽紡成絲。吾行別有意。不爲君道之。

贈柳祕書

靡蕪與丹桂。奇心復奇骨。已蔽蒼龍門。又影鳳凰闕。紫雲依夜來。清風扶晚發。鴛鴦若上天。寄聲謝明月。

詣周丞不值因贈此詩

竹枝任風轉。蘭心逐風卷。青雲葉上團。白露花中泫。聞君入騎疏。聊寄錦中書。一隨平原客。甯憶豫章徐。

遙贈周丞

巨石亂天涯。雜樹鬱參差。伯魚畱蜀郡。長房還葛陂。練練波中月。亭亭雲上枝。高岑蔽人者。無處得相知。

周丞未還重贈

石渠闐無人。子雲今何在。顧望獨懷憂。銜杯竟誰待。散雪逐吹寒。蓬姿浮霜采。甘泉無竹花。鵝雛欲還海。

贈王桂陽

松生數寸時。遂爲草所沒。未見籠雲心。誰知負霜骨。弱幹可摧殘。纖莖易凌忽。何當數千尺。爲君覆明月。

酬郭臨丞

聞君立名義。我亦倦晨征。馬在城上蹀。劍自腰中鳴。白日遼川暗。黃塵隴坻驚。願君但銜酒。深知有素誠。

憶費昶

皎皎日將上。獵獵起微風。山沒清波內。帆在浮雲中。直趣珠星北。斜開碧海東。故人若思我。當念離恨蓬。

酬聞人侍郎別三首

悵然心不樂。萬里向悠悠。凌朝憩枉渚。薄暮遵江洲。君住青門上。我發霸陵頭。相思自有處。春風明月樓。

整棹北川湄。迴首望城邑。林疏風至少。山高雲度急。共懷萬里心。各作千行泣。欲見終無緣。思君空伫立。

舉首川之折。當作沂離鴻四向飛。子憐三湘薜。說文薜草也。子虛賦高燥生薜。張揖曰薜賴蒿也。按賴蒿蓋卽賴蕭。我憶

五陵薇。但使同嘉遁。何必共輕肥。思君美如玉。不覺淚沾衣。

贈鮑春陵別

落葉思紛紛。蟬聲猶可聞。水中千丈月。山上萬重雲。海鴻來倏去。林花合復分。所憂別離意。白露下霑裙。

別王謙

嚴光不逐世。流轉任飛蓬。欲還天台嶺。不狎甘泉宮。離歌玉絃絕。別酒金卮空。倘遺故人念。僕在東山東。

奉使廬陵

悵然不自怡。端憂坐漠漠。風急鴈毛斷。冰堅馬蹏落。客子飢寒多。江上衣裝薄。何當報恩罷。驅車還北郭。

迎柳吳興道中

團團日西靡。客念已蹉跎。長風倒危葉。輕練網寒波。白雲光彩麗。青松意氣多。所言飽恩德。忘我北山蘿。

至湘州望南嶽

重波淪且直。連山糾復紛。鳥飛不復見。風聲猶可聞。朧朧樹裏月。飄飄水上雲。長安遠如此。無緣得報君。

登二妃廟

朝雲亂人目。帝女湘川宿。折齒巫山下。采苕洞庭腹。故以輕薄好。千里命艫舳。何事非相思。江上葳蕤竹。

詠懷二首

僕本報恩人。走馬救東秦。黃龍暗迢遞。青泥寒苦辛。野戰劔鋒盡。攻城才智貧。唯餘一死在。畱持贈主人。
元叔勢位卑。長卿宦情寡。二頃且營田。二錢聊飲馬。懸風白雲上。挂月青山下。心中欲有言。未得忘言者。

古意

雜虜寇銅錁。征役去三齊。扶山翦疏勒。傍海掃沈黎。劔光夜揮電。馬汗晝成泥。何當見天子。畫地取關西。

其二

匈奴數欲盡。僕在玉門關。蓮花穿劔鏑。秋月掩刀環。春機思窈窕。夏鳥鳴綿蠻。中人坐相望。狂夫終未還。

其三

西都盛冠蓋。九遠塵霧塞。中有惡少年。伎能專自得。玉鞭蓮花劍。金苜流星勒。聊為路傍人。寫鞞長楸北。

△其四

樂府作採桑

賤妾思不堪。採桑渭城南。帶減連枝繡。髮亂鳳皇簪。一作簪花舞依長薄。蛾一作鶯飛愛綠潭。無由報君信。流涕向春蠶。

其五

妾本倡家女。出入魏王宮。既得承瑤輦。亦在更衣中。蓮花銜青雀。寶粟鈿金蟲。猶言不得意。流涕憶遼東。

其六

何處報君書。隴右五歧路。泪研兔枝墨。筆染鵝毛素。碧浮孟渚水。香下洞庭路。應歸遂不歸。芳春空擲度。

其七

妾家橫塘北。發豔小長干。花釵玉宛轉。珠繩金絡紈。一作紈冪歷懸丹一作青鳳。逶迤搖

白團誰能分見此含恨不能言。

閨怨二首

胡笳屢悽斷征蓬未肯還。妾坐江之介君戍小長安。相去三千里。參商書信難。四時無人見。誰復重羅紈。

春草可攬結。妾心正斷絕。綠鬢愁中改。紅顏啼裏滅。非獨淚成珠。亦見珠成血。願爲

雙飛鵲。一作雙鵲。玉臺作古意。翩翩照離別。

去妾贈前夫

去妾在河橋。相思復相撩。鳳皇簪落髮。蓮花帶緩腰。腸從別處斷。貌在淚中消。願君憶疇昔。片言時見饒。

△詠少年樂府作少年子

董生能巧笑。子都信美目。百萬市一言。千金買相逐。不道參差菜。誰論窈窕淑。願言捧繡被。來就越人宿。

詠雪

微風搖庭樹。細雪下簾隙。縈空如霧轉。凝階似花積。不見楊柳春。徒看桂枝白。零淚

無人道相思空何益。

雪

雪逐春風來過集巫山野。瀾漫雖可愛。悠一作揚詎堪把問君何所思。昔日同心者。坐須風雪霽。相期洛城下。

春詠

春從何處來。拂水復驚梅。雲障青瑣闥。風吹承露臺。美人隔千里。羅幃閉不開。無由得共語。空對相思杯。

共賦韻詠庭中桐

龍門有奇價。自言梧桐枝。華暉實掩映。細葉能披離。不降周王子。空待歲時移。嚴風忽交勁。遂使無人知。

詠柳

細柳生堂北。長風發鴈門。秋霜常振葉。春露詎濡根。朝作離蟬宇。暮成宿鳥園。不爲君所愛。摧折當何言。

主人池前鶴

本自乘軒者。爲君階下禽。摧藏多好貌。清唳有奇音。稻梁惠既重。華池遇亦深。懷恩未忍去。非無江海心。

寶劍

我有一寶劍。出自昆吾溪。照人如照水。切玉如切泥。鏗邊霜凜凜。匣上風淒淒。寄語張公子。何當來見攜。

詠燈

昔在鳳皇闕。七采蓮花莖。陸離看寶劍。爛漫照文屏。檐豔煙光轉。氛氲霧裏輕。能方三五夜。桂樹月中生。

別夏侯故章

白馬黃金羈。青鸞紫絲鞵。新知關山別。故人河梁送。置此一函書。爲余達雲夢。以服散鎗贈殷鈞。

玉鉉布交文。金丹煥仙說。九沸翻成緩。七轉良爲切。執以代疏麻。長貽故人別。

梅花

梅性本輕蕩。世人相陵賤。故作負霜雪。集作花欲使綺羅見。但願深相知。當作摧

非所戀。

征客

公卿來帳別。葭聲在狹斜。玉樽浮雲蓋。朱輪流水車。鞞中懸明月。劔杪照蓮花。

闕

雜句四首

晝蟬已傷念。夜露復沾衣。昔別曾何道。今夕螢光飛。

錦腰連枝滴。

一作

繡領合歡斜。夢中誰不見。終成亂眼花。

蜘蛛檐下挂。絡緯井邊啼。何曾得見子。照鏡窗東西。

泣聽離夕歌。悲銜別時酒。自從今日去。當復相思否。

山中雜詩三首

山際見來煙。竹中窺落日。鳥向檐上飛。雲從窗裏出。

綠竹可充食。女蘿可代裙。山中自有宅。桂樹籠青雲。

具區窮地險。嵇山萬里餘。奈何梁隱士。一去無還書。

詠雲二首

飄飄上碧虛。藹藹隱青林。氛氲如有意。縈鬱詎無心。

白雲蒼梧來。過拂章華臺。逢河散復卷。經風合且開。

詠慈姥磯石上松

根爲石所蟠。枝爲風所碎。賴我有貞心。終凌細草輩。

送呂外兵

白雲浮海際。明月落河濱。送君長太息。徒使淚沾巾。

傷友

可憐桂樹枝。懷芳君不知。摧折寒山裏。遂死無人窺。

本集有行路難五首
七言以非五古未鈔

庾子慎五古八十八首

樂府詩集錄
者以△識之

△長安有狹斜行

長安曲陌坂。曲曲不容幘。路逢雙綺襦。問君居近遠。我居臨御溝。可識不可求。長子登麟閣。次子侍龍樓。少子無高位。聊從金馬遊。三子俱來下。左右若川流。三子俱來入。高軒映彩流。三子俱來宴。玉柱擊清甌。大婦褰雲裘。中婦卷羅幃。少婦多豔冶。花鈿繫石榭。夫君且安坐。歡娛方未周。

△賦得有所思

佳期竟不歸。春日坐芳菲。拂匣看離鏡。一作扇開箱見別衣。并梧生未合。宮槐卷復稀。不及銜泥燕。從來相逐飛。

△有所思

樂府作昭明太子

佳人遠于隔。乃在天一方。望望江山阻。悠悠道路長。別前秋葉落。別後春花芳。雷歎一聲響。雨淚忽成行。悵望情無極。傾心還自傷。

△洛陽道

微道臨河曲。曾城傍洛川。金門纔出柳。洞井半含泉。日起罌罍外。車迴雙闕前。潘生時未返。遙心徒眷然。

△長安道

桂宮連複道。黃山開廣路。遠聽平陵鐘。遙識新豐樹。合殿生光彩。離宮起煙霧。日落歌吹還。一作塵飛車馬度

△愛妾換馬

樂府解題曰愛妾換馬舊說淮南王所作疑淮南王即劉安也古辭今不傳

渥水出騰駒。湘川實應圖。來從西北道。去逐東南隅。琴聲悲玉匣。山路泣蘼蕪。似鹿

將含笑。千金會不俱。

△隴西行

借問隴西行。何當驅馬征。草合前迷路。雲濃後暗城。寄語幽閨妾。羅袖勿空縈。

△未央才人歌

從來守未央。轉欲訝春芳。朝風凌日色。夜月奪燈光。相逢儻游豫。暫爲卷衣裳。

侍宴應令

副君時暇豫。曾城聊近遊。清池寫飛閣。疏樹出龍樓。北陸冰方壯。西園春欲周。梅心芳屢動。蒲節促難抽。徒然欣竝命。無以廁應劉。

侍宴宣猷堂應令

副君德將聖。陳王才揆天。歸來宴平樂。置酒對林泉。鑪香雜山氣。殿影入池漣。豔舞時移節。新歌屢上絃。聽曲慙迴顧。思經徒欲眠。

侍宴猷堂宴湘東王應令

陳王驂駕反。副后西園遊。竝命登飛閣。列坐對芳洲。桂巖逢暮序。菊水值窮秋。竹逕簫聲發。桐門琴曲愁。一作幽徒奉文成誦。空知思若抽。

侍宴餞湘州刺史張續

洞庭資善政。層城送遠離。九歌揚妙曲。八桂動芳枝。雨足飛春殿。雲峯入夏池。郢路方遼遠。湘山轉蔽虧。何當好風日。極望長沙垂。

侍宴餞張孝總應令

外編作吳均者非

層臺臨迴漲。耿耿晴煙上。欲送分符人。翻似河隄望。寒雲暗積水。秋雨蒙重嶂。別念動神襟。華文切離貺。慙無寡和曲。空陪郢中唱。

三日侍蘭亭曲水宴

策星依夜動。鑿駕總朝遊。旌門臨苑樹。相風出鳳樓。春生露泥泥。天覆雲油油。桃花舒玉澗。柳葉暗金溝。楔川分曲洛。帳殿掩芳洲。踊躍鱖魚出。參差絳棗浮。百戲俱臨水。千鍾共逐流。

九日侍宴樂游苑應令

轍跡光周頌。巡遊盛夏功。鉤陳萬騎轉。閭闔九關通。秋暉逐行漏。朔氣繞相風。獻壽重陽節。迴鑾上苑中。疏山開輦道。閒樹出離宮。玉醴吹巖一作苑菊。銀牀落井桐。御梨寒更紫。仙桃秋轉紅。飲羽山西射。浮雲冀北驄。塵飛金埒滿。葉破柳條空。騰猿疑矯

箭驚鴈避虛弓。彫材濫杞梓。花綬接鸕鴻。愧乏天庭藻。徒參文雅雄。

從皇太子出玄圃應令

春光起麗譙。屣步陟山椒。閣影臨飛蓋。鷺鳴入洞簫。水還登故渚。樹長蔭前橋。綠荷生綺葉。丹藤上細苗。顧循慙振藻。何用擬瓊瑤。

奉和泛舟漢水往萬山應教

桂棹染棠船。飄揚橫大川。映巖沈水底。激浪起雲煙。迴岸高花發。春塘細柳懸。陪歌承睿賞。接醴侍恩筵。誰云李與郭。獨得似神仙。

山池應令

簡文有山池詩

閨苑秋光暮。金塘牧疑作牧。潦清荷低芝。蓋出浪涌燕。舟輕逆湍流。棹唱帶谷聚。笳聲野竹交。臨浦山桐迴。出城水逐雲。峯閣寒隨殿。影生。

奉使北徐州參丞御

炎農稱卷領。唐勛載允恭。猶將表世盛。尙且號民從。未如今聖主。比德邁前蹤。格天垂禮樂。寰海置提封。枌榆諒昔社。方門有舊墉。故鄉深帝念。巡狩及時雍。禁園周百里。離宮卽九重。浮橋還瀉渭。抗殿本疏龍。過沛追鄉飲。歸宛盛禮容。千金登禹膳。萬

壽獻堯鐘。依然對白水。眷言懷赤松。迴天隨輦道。駐日逐戈鋒。路遠大風積。山長佳氣濃。年光正婉婉。春樹轉丰茸。竹葉含初籜。莫枝發早蕪。瑞木翻無鳥。祥花更少蜂。咸英起雲鳳。率舞間笙鏞。海鷗時出沒。江鱣乍噉喁。雲邊開鞏樹。霧裏識崑峯。小人濫趨走。虛薄愧無庸。皇恩不可報。河清徒易逢。

和衛尉新渝侯巡城口號

簡文帝王筠同賦

維城寄右戚。巡警屬勤王。南瞻通灞岸。北眺指橫江。入漢飛延閣。臨雲出建章。步逐天津遠。城隨秋夜長。露槐落金氣。風簷上新涼。

遊甌山

苑詩類選作沈約者非

平子去已久。餘風今復追。未必遊春草。王孫自不歸。路高村反出。林長鳥更稀。寒雲閒石起。秋葉下山飛。西閣方河訓。詎得解朝衣。

蔬圃堂

梁武帝有天安寺蔬圃堂誌

北宮一作堂多暇豫。時駕總鑿鑿。路靜繁葭撤。輪移羽蓋飄。臨空坐飛觀。回首望浮橋。風長曙鐘近。地迴洛城遙。疏不礙日涸。浦暫通潮。徒然等賓從。竝作愧羣僚。

尋周處士宏讓

試逐赤松遊。披林對一邱。梨紅大谷晚。桂白小山秋。石鏡菱花發。桐門琴曲愁。一作
泉飛疑度雨。雲積似重樓。王孫若不去。山中定可留。

賦得嵇叔夜

山林重明滅。風月臨囂塵。著書惟隱士。談玄止谷神。鴈重翻傷性。蠶寒更養身。廣陵
餘故曲。山陽有舊隣。俗儉甯防患。才多反累身。寄言山吏部。無以助庖人。

和太子重雲殿受戒

皇明執東曜。帝辰居北辰。小乘開治道。大覺拯蒼民。殊塗同義路。分流合智津。傳香
引上德。列伎進名臣。連閣翻如畫。圖雲更似真。鏡山銜殿影。梅梁落梵塵。苑桂恆留
雪。天花不待春。萬年逢瑞應。千生值法身。天衣初拂石。豆火欲然薪。重善終無報。一作
無論輕毛庶有因。

詠同泰寺浮圖和簡文下同

望園臨奈苑。王城對鄴宮。還從飛閣內。遙見崛山中。天衣疑拂石。鳳翅欲凌空。雲叢
猶帶雨。蓮井不生桐。盤承雲表露。鈴搖天上風。月出琛含采。天晴幡帶虹。周星疑更
落。漢夢似今通。我后情藝文初照不與伊川同。方應捧馬出。永得離塵蒙。

賽漢高廟

昔在唐山曲。今承紫貝壇。甯知臨楚岸。非復望長安。野曠秋先動。林高葉早殘。塵飛遠騎沒。日徙一作過半峯寒。徒然仰成誦。終用試才難。

亂後經夏禹廟

金簡泥初發。龍門鑿始通。配天不失舊。為魚微此功。林堂上偃蹇。山殿下穹隆。侵雲似天闕。照水類河宮。神來導赤豹。仙女擁飛鴻。松龕撤暮俎。棗逕落寒叢。仙舟還入鏡。玉岫更乘空。去國嗟行邁。離居泣轉蓬。月起吾一作吳山北。星臨天漢中。申胥猶有志。荀息本懷忠。待見欃槍滅。歸來松柏同。

亂後行經吳郵亭

外編作庚信者非

郵亭一回望。風塵千里昏。青袍異春草。白馬即吳門。獠戎鯁伊洛。雜種亂轅轅。輦道同關塞。王城似太原。休明鼎尚重。秉禮國猶存。殷牖爰雖隳。堯城吏轉尊。泣血悲東走。橫戈念北奔。方憑七廟畧。誓雪五陵冤。人事今如此。天道共誰論。郵亭吳大帝所建在晉陵

經陳思王墓

公子獨憂生。邱壠擅餘名。採樵枯樹盡。犁田荒隧平。甯追宴平樂。詎想謁承明。且余

來錫命兼言事。結成飄颻河朔遠。颭颭颭颭風鳴。鴈與雲俱陣。沙將蓬共驚。枯桑落古
社。寒鳥歸孤城。隴水哀葭曲。漁陽慘鼓聲。離家來遠客。安得不傷情。

過建章故臺

魯國觀遺殿。韓城想舊臺。仲宣原隰滿。子建悲風來。夏蓮猶反植。秋窗尙左一作開。
圖雲仍溷一作洩。雨畫水卽生苔。及君歡四望。知余念七哀。

和劉明府觀湘東王書

陳王擅書府。河間富典墳。五車方累篋。七閣自連雲。松槩鏗廉反芳帙氣。柏燠許運反起
廚文。羽陵青簡出。媯泉綠字分。方因接遊聖。暫得奉朝聞。峯樓霞早發。林殿日先曛。
洛城復接限。歸軒畏後羣。

和竹齋

百拱橫筇節。千櫨跨篋竿。迴龍仍作柱。置笛且成欒。向嶺分花徑。隨階轉藥欄。蜂歸
憐蜜熟。燕入重巢乾。欲仰天庭揆。終知學步艱。

從駕喜雨

西嶽浮樽桂。東皇事浴蘭。赦詔還京兆。歸神出灌壇。溼風含酒氣。陰雲助麥寒。典農

欣受職。治粟喜當官。復此隨車雨。民天知可安。

奉和春夜應令

春牖對芳洲。珠簾新上鉤。燒香知夜漏。刻燭驗更籌。天禽一作雞下北閣。一作闕織女入

西樓。月皎疑非夜。林疏似更秋。水光懸蕩壁。山翠下添流。詎假西園讌。無勞飛蓋遊。

奉和武帝苦旱

陽山蛇不蟄。沕澤鳥猶攢。暫息流膏雨。將似怨祁寒。文衣夜不臥。蔬食晝忘餐。潔誠同望祀。惟馨等浴蘭。江蘋享上帝。荆壁奠高巒。繁雲與岳立。蒸穴動龍蟠。渭渠還積水。滌池更起瀾。

奉和太子納涼梧下應令

和簡文

北園涼氣早。步輦暫逍遙。避日交長扇。迎風列短簫。山帶彈琴曲。桐橫棲鳳條。懸門開澗水。錦石鎮浮橋。黑米生菰葉。一作葑青花出稻苗。無因學仙藻。雲氣徒飄颻。

芝草

踟躕玩芝草。淹畱攀桂叢。桂叢方偃蹇。芝葉正玲瓏。如龍忽如馬。成闕復成宮。黃金九華發。紫蓋一作莖六英通。隱士蒼山北。仙神海穴東。隨丹聊變水。獨搖不須風。

詠美人

絳樹及西施俱是好容儀。非關能結束。本自細腰肢。鏡前難竝照。相將映綠池。看妝畏水動。斂袖避風吹。轉手齊裾亂。橫簪歷鬢垂。曲中人未取。誰堪白日移。不分他相識。唯聽使君知。

送別於建興苑相逢

相逢小苑北。停車問苑中。梅新雜柳故。粉白映綸紅。去影背斜日。香衣臨上風。雲流階漸黑。冰開池半通。去馬船難駐。嘯鳥曲未終。眷然從此別。車西馬復東。

侍宴

一作侍宴景陽樓應令

沐道逢將聖。飛觴屬上賢。仁風開美景。瑞氣動非煙。秋樹翻黃葉。寒池墮黑蓮。承恩謝命淺。念報在身前。

侍宴餞湘東王應令

陳王從遊士。高宴入承華。竝載同連璧。雕文類簡沙。落猿時動樹。墜雪暫搖花。念此離筵促。方愁別路賒。

餞張孝總應令

外編作吳均者非

江上早寒生。蕭條鏡管清。別筵開帳殿。離舟卷幔城。前山黃葉起。對岸白沙驚。臨渦同極望。竊吹愧才輕。

侍宴餞東陽太守范子雲

范當作蕭

東部資良守。北宮敦獻酬。新枝漸接樹。故凍欲含流。早花少餘雪。春寒極晚秋。徒嗟白岸遠。空想赤松遊。

和晉安王薄晚逐涼北樓回望應教

向夕紛誼屏。追涼飛觀中。樹影臨城日。窗含度水風。遙天如接岸。遠帆似凌空。陪文慙宋玉。徒等侍蘭宮。

贈周處士

九丹開石室。三徑沒荒林。仙人翻可見。隱士更難尋。籬下黃花菊。邱中白雪琴。方欣

松葉酒。自和遊山吟。

李蕭遠有遊山九吟

新林送劉之遴

旆轉黃山路。舟纒白馬津。送輪時合幘。分驂各背塵。常山喜臨代。隴頭悲望秦。欲持漢中策。還以贈征人。

奉使江州舟中七夕

九江逢七夕。初弦值早秋。天河來映水。織女欲乘舟。漢使俱為客。星槎共逐流。莫言相送浦。不及穿針樓。

南苑看人還

春花競玉顏。俱折復俱攀。細腰宜窄衣。長釵巧挾鬟。洛橋初度燭。青門欲上關。中人應有望。上客莫前還。

詠美人看畫應令

和簡文

欲知畫能巧。喚取真來映。竝出似分身。相看如照鏡。安釵等疏密。著領俱周正。不解平城圍。誰與丹青競。

奉和藥名詩

簡文元帝皆有藥名詩

英王牧荆楚。聽訟出池臺。督郵稱蝗去。亭長說烏來。行塘朱鷺響。當道赤帷開。馬鞭聊寫賦。竹葉暫傾杯。

看放市

旗亭出御道。遊日暫迴車。既非隨舞鶴。聊思索枯魚。懸龜識季主。勝酒見相如。日中

人已合。黃昏猶未疏。

和望月

桂殿月偏來。流光引上才。圓隨漢東蚌。暈逐淮南灰。渡河光不溼。移輪轍詎開。此夜臨清景。還承終宴杯。

和徐主簿望月

樓上徘徊月。窗中愁思人。照雪光偏冷。臨花色轉春。星流時入暈。桂長欲侵輪。願以重光曲。承君歌扇塵。

詠風

宋地鷓飛初。湘川燕起餘。掃壇聊動竹。吹薤欲成書。蒼梧洞猶在。一作蒼嶠。桐猶在。合浦樹應疏。陽鳥一轉翅。千里定非虛。

詠花雪

瑞雪墜堯年。因風入綺錢。飛花灑庭樹。凝瑛結井泉。寒光晦八極。同雲暗九天。已飄黃竹路。共慶白渠田。

七夕

玉匣卷懸衣。針樓開夜扉。姮娥隨月落。織女逐星移。離前忿促夜。別後對空機。倩語雕陵鵲。填河未可飛。

歲盡應令

歲序已云殫。春心不自安。聊開柏葉酒。試奠五辛盤。金薄圖神燕。朱泥一作印鬼丸。梅花應可折。倩爲雪中看。

賦得山

層雲霾峻嶺。絕澗倒危峯。刻削臨千仞。嵯峨起百重。行曦上杳杳。結霧下溶溶。仁心畱此屬。休奉愧羣龍。

同蕭左丞詠摘梅花

窗梅朝始發。庭雪晚初消。折花牽短樹。攀叢入細條。垂冰潤玉手。含刺冱春腰。遠道終難寄。馨香故自饒。

和晉安王詠燕

簡文有雙燕詩樂府題云雙燕離

可憐幕上燕。差池弄羽衣。夜夜同巢宿。朝朝相對飛。銜泥瞻樂善。相賀奉英徽。秋蟬行寂寞。戀此未辭歸。

詠胡牀應教

傳名乃外域。入用信中京。足歆形已正。文斜體自平。臨堂對遠客。命旅誓初征。何如淄館下。淹畱奉盛明。

暮遊山水應令賦得磧字

餘春屬清夜。西園恣遊歷。入逕轉金輿。開橋通畫鷁。細藤初上椽。新流漸涵磧。雲峯沒城柳。電影開巖壁。疑關

奉和湘東王應令二首

春宵

征人別來久。年芳復臨牖。燭下夜縫衣。春寒偏著手。願及歸飛鴈。因書寄高柳。

冬曉

隣雞聲已傳。愁人竟不眠。月光侵曙後。霜明落曉前。縈環起照鏡。誰忍插花鈿。

詠檐燕

雙燕集蘭閨。雙飛高復低。向戶疑新箔。登巢識故泥。依欄本相賀。近幕願同棲。

奉和便省餘秋

以下三首
文疑闕

前對金精坂。傍臨圓水池。照影礙浮葉。看山通迴枝。鴈行連霧盡。雨足帶雲移。
被使從渡江

八陣引佳兵。二河總艦舳。絳天揚遠旆。雷野驅長轂。夜劔動星芒。秋潮驚箭服。
登城北望

誓師屠六郡。登城望九嶷。山沈黃霧裏。地盡黑雲中。霜戈曜壠日。哀笳斷塞風。

道館

仙人白鹿上。隱士潛溪邊。試取西山藥。來觀東海田。

賦得轉歌扇

團紗映似月。蟬翼望如空。迴持掩曲態。轉作送風。

詠舞

飛鳥袖始拂。唳鳥曲未終。聊因斷續唱。試託往還風。

詠舞曲應令

歌聲臨畫閣。舞袖出芳林。石城定若遠。前谿應幾深。

詠主人少姬應教

三十家詩鈔

卷五

梁

庾肩吾

三十六

故年齊總角。今春半上頭。那知夫婿好。能降使君留。

詠長信宮中草

委翠似知節。含芳如有情。全由履迹少。併欲上階生。

石崇金谷妓

蘭堂上客至。綺席清絃撫。自作明君辭。還教綠珠舞。

遠看放火

風前細塵起。月裏黑煙生。發燄看喬木。侵光識曉城。

舟中寒望

日暮敞鳧舟。曾冰合駛流。雪照齊君履。寒入楚王裘。

石橋

簡文有作

秦王金作柱。漢帝玉爲欄。仙人飛往易。道士出歸難。

詠桂

新叢入望苑。舊榦別層城。倩視今移處。何如月裏生。

賦得池萍

風翻乍青紫。浪起時疏密。本欲歎無根。還驚能有實。

新苔

隨潮染岸石。逐沫聚浮查。徒令阿谷麗。停筐不汰沙。

被執作詩一首

見太平御覽。三國典畧曰。宋子仙破會稽。購得肩吾。謂之曰。昔聞汝能詩。今可作。若能當。貴汝命。肩吾操筆立成。子仙乃釋之。

髮與年俱暮。愁將罪共深。聊持轉風燭。暫映廣陵琴。

曲水聯句

春色明上巳。桃花落繞溝。波迴后不進。綸下鉤時留。臣絳水時迴岸。花觴轉更周。陳

肴渡玉俎。垂餌下銀鉤。

王臺卿

迴川入帳殿。列俎聞芳洲。漢艾凌波出。江楓拂岸遊。肩

吾

王生迴水碓。蔡姬蕩輕舟。岸燭斜臨水。波光上映樓。

殿下

八關齋夜賦四城門更作四首

殿下即簡文時為皇太子中庶府君謂肩吾為皇太子中庶子

第一賦韻東城門病

伏枕愛危光。痾纏生易折。無因雪岸草。慮反砭山穴。徐消渴腴腸腑。疼蹇嬰肢節。如

何促齡內。憂苦無暫缺。孔

熹

南城門老

虛蕉誠易犯危藤復將囓。一隨柯已微。當年信長訣。諸葛已同白駒去。復類紅花熱。妍容一旦罷。孤燈行自設。君

西城門死

綏心雖殊用。滅景甯優劣。一隨業風盡。終歸虛妄說。王臺五陰誠為假。六趣甯有截。零落竟同歸。憂思空相結。李鏡

北城門沙門

俗幻生影空。憂繞心塵曠。於茲排四纏。去矣求三滢。殿下學輩畱心。方從窈冥別。已悲境相空。復作泡雲滅。中庶

第二賦韻東城門病

空痾誠易愈。有病故難痊。徒知餌五色。終當悲九泉。王臺已無雲山草。沈痾竟誰憐。復悲淪苦海。何由果淨天。諸葛

南城門老

昔類紅蓮草。自玩綠池邊。今如白華樹。還悲明鏡前。殿下壯心欲何在。餘日乃西遷。清

樽不復樂蓬鬢豈還妍徐防

西城門死

高堂信逆旅懷業理常辜玉匣方委襯金臺不復延中庶府君挽聲隨逕遠蘿影帶松懸
詎能畱十念唯應逐四緣君

北城門沙門

經行林樹下求道志能堅既有神通力振錫遠乘煙李鏡遠一登四宏誓至道莫能先
不貪曠劫壽無論延促年孔熹

第三東城門病

纏痾緬百年自傷無五福長縈畫篋蛇不值仙人鹿殿下習染迷畫瓶臥起求棲宿羅
襦豈再歡臨歧方土木中庶府君

南城門老

少年愛紈綺衰暮慚羅縠徒傷歲冉冉陳詩非郁郁王臺卿鶴髮辭軒冕鮐背烹葵菽
松柏稍相依歡愛時睦睦李鏡遠

西城門死

三十家詩鈔 卷五 梁 庾肩吾

追念平生時。遨遊上苑園。一沒松柏下。春光徒儵昱。孔結根素因假。枝葉緣骨肉。自應螻蟻驅。值此風力逐。諸葛

北城門沙門

俗繭厭纏絲。因田抽善穀。長披忍辱鏡。去此織羅服。徐防願引三塗眾。俱令十使伏。珠月猶沈首。金錐未挑目。君

第四東城門病

紫紉未可得。漳濱徒再離。一逢犬馬病。賁育罷驅馳。李鏡遠已無九轉術。復闕黃金奇。不看投疆掌。唯夢蓮花池。君

南城門老

盛年歌吹日。顧步惜容儀。一朝衰朽至。星星白髮垂。孔已傷萬事盡。復念九門枝。垂軒意何在。獨坐鏡如斯。中庶府君

西城門死

一息於今罷。平生詎可規。天長曉露促。千齡誰復知。殿華堂一相捨。松帳杳難窺。萬祀藏珠應。千年罷玉羈。徐防

北城門沙門

深心不可染。正道亦難欲。方除五欲累。長辭三雅后。王臺卿依空慮難靜。習善路猶弛。
沒身竟靡託。單孟詎待賞。諸葛禮

本集有三日侍宴詠曲水中燭影七言四句未鈔

三十家詩鈔卷五

三十家詩鈔

卷五

梁

庾肩吾

三十九



國家圖書館



003676681

